

Et cum perambulassent universam insulam usque

Paphum, invenerunt quemdam Magum pseudo-Prophetam, Iudæum, nomine Bar-le-su, vers. 6. qui erat cum Proconsule Sergio Paulo viro prudente. Hic accersitis Barnaba, & Saulo desiderabat audire Verbum Dei. vers. 7. Resistebat illi Elymas Magus (sic enim interpretabatur nomen ejus) quærens avertere Proconsulem à fide. vers. 8.

Saulus in Papho Magum Elymam excæcat, & Paulum Sergium Proconsulem ad fidem Christi convertit.

XVIII. Saulus, (qui nunc Paulus) repletus Spiritu Sancto, intuens in Elymam dixit: O ple-
ne omni dolo, & omni fallacia; fili Diaboli, inimice omnis justitiæ, non desinis subvertere vias Domini rectas. Ecce manus Domini super te, & eris cæcus non videns Solem, & confestim cecidit in eum caligo, & tenebræ: & circuiens quærebat, qui ei manum daret. Tunc Proconsul cum vidisset, credidit, admirans super doctrina Domini. Act. c. 13. vers. 9...12.

Paulus à Papho navigat in Pamphylia, venitque Pergen.

XIX. Et cum à Papho navigasset Paulus, & qui cum eo erant, venerunt Pergen Pamphylia. Ioannes autem discedens ab eis reversus est Ierololymam. Act. c. 13. vers. 13.

Paulus petit Antiochiam (Pisidia) in cuius Synagoga concionatur.

XX. Illi vero (Paulus & Barnabas) pertranseuntes Pergen, venerunt Pisidiam, & ingressi Synagogam die Sabbatorum federunt. Et post lectionem Legis, & Prophetarum, miserunt Principes Synagogæ ad eos, dicentes: Viri fratres, si quis est in vobis sermo exhortationis ad plebem, dicite. Surgens Paulus, semel atque iterum de Lege veteri, & de nova concionatur, non tantum Iudæis, sed & Gentibus advenis. Iudæis autem in novam sive legem Christi contradicentibus, & blasphemantibus, & persecutionem in eos concitantibus, ejecerunt eos de finibus suis. At ipsi Paulus & Barnabas conversi sunt ad Gentes, ex quibus plures crediderunt. Act. c. 13. vers. 14...50.

Paulus, & Barnabas Iconium petunt.

XXI. At illi venerunt Iconium. Act. c. 13. vers. 51. Et factum est Iconii, ut simul intrarent in Synagogam Iudæorum, & loquerentur, ita ut crederet Iudæorum, & Græcorum copiosa multitudo. Multo igitur tempore demorati sunt fiducialiter agentes in Domino: testimonium perhibente verbo gratiæ suæ dante signa, & prodigia fieri per manuseorum: qui vero increduli fuerunt Iudæi, fuscitaverunt, & ad iracundiam concitaverunt animas Gentium adversus fratres. Et divisa est multitudo civitatis: & quidam erant cum Iudæis, quidam cum Apostolis: & factus est impetus Gentilium, & Iudæorum cum Principibus suis, ut contume-

liis afficerent, & lapidarent eos. Act. c. 14. vers. 1...5.

Paulus, & Barnabas Lystra veniunt, ubi cum claudum à matris utero curasset Paulus, lapidibus à populo oppetitur.

Intelligentes seditionem P. & B. confugerunt XXII. ad civitates Lycaonia Lystra & Derben, & universam in circuitu regionem, & ibi Evangelizantes erant. Vir autem Lystris infirmus pedibus sedebat claudus ab utero matris, qui numquam ambulaverat. Hunc intuitus Paulus, videns quia fidem haberet, dixit magna voce: Surge super pedes tuos rectus. Et exilivit & ambulabat. Turbæ autem cum vidissent, quod fecerat Paulus, dicebant: Dii similes hominibus descenderunt ad nos: & vocabant Barnabam, Iovem; Paulum vero, Mercurium. Et sacerdos Iovis volebat iis sacrificare. Quod ubi audierunt Apostoli, concisis tunicis suis, exierunt in turbas dicentes: quid hæc facitis? Et nos mortales sumus similes vobis homines, annuntiantes ab his vanis converti ad Deum vivum: & vix sedaverunt turbas ne sibi immolarent. Supervenerunt autem quidam ab Antiochia (Pisidia) & Iconio Iudæi, & persuasis turbis lapidantesque Paulum traxerunt extra civitatem, existimantes eum mortuum esse: circumdantibus autem eum Discipulis, surgens introivit in civitatem. Act. c. 14. vers. 6...19.

Paulus & Barnabas in Derben proficiscuntur.

Et postera die profectus est (Paulus) cum XXIII. Barnaba in Derben, cumque Evangelizassent civitati illi, & docuissent multos, reversi sunt Lystra, &

Iconium, & Antiochiam (Pisidia) confirmantes animas Discipulorum, exhortantesque, ut permanerent in fide: & constitutis per singulas Ecclesias Presbyteris, commendaverunt eos Domino. Act. c. 14. vers. 19...22.

Paulus & Barnabas redeunt Antiochiam Syria.

Transeuntesque Pisidiam venerunt in XXIV. Pamphylia, & loquentes Verbum Domini in Perge, descenderunt in Attaliam, & inde navigaverunt Antiochiam (Syria) unde erant traditi gratiæ Dei in opus, quod compleverant: & cum congregassent Ecclesiam, retulerunt quanta fecisset Deus cum illis; & quia aperuisset Gentibus ostium fidei: & morati sunt tempus non modicum cum Discipulis. Act. c. 14. vers. 23...27.

Paulus & Barnabas ab Antiochia (Syria) mittuntur in Ierusalem.

Fratribus quibusdam è Iudæa (Antio- XXV. chiam) descendantibus, & sine circumcissione secundum legem Moyfis, Gentes non posse salvari, contententibus, seditione ob id orta Paulus, & Barnabas ascende-